

■ GLOSSA

Betg savì

DA SILVIO CAMENISCH

Quai ch'è stà da temair, è succedì. Ussa vesa l'entira biodiversità sa confruntada cun cas da maldiever cun uffants. Tant il mund dals animals sco da las plantas annunzian grevs cas da pedofelia en lur ritschas. La furmicla, vaiva da 160 onns en la chasa s. Martin da ses lieu d'origin, di malamain trumpada: «A vess jau savì quella giada che mes salip giaja vi da buobanaglia, mai avess jau al maridà. Maindir ida fin vi sur mar per etg da medegar. Co ch'ins sa sa cugliunar cun glied da num e da pum.» El aveva in bun num sco scolast, pur, apicultur ed organist.

Il bau, che purtava losch la corna e sa gloriava «Jeu sun in grond signur e miu manti (segir in mistral) tarlischa, con paupers ei il pur», dueva esser i massiv vi da uffants, din noss istorichers pensiunads activs, ed han era documents sin segir. Il vegl mistral pedofil, ch'ins sa carteva mort segir, saja vegnì vesì en Sidamerica cun outra identitad. Ins n'ha betg savì. Valeva gist el, quel, sco grond moralist,



betg sulet tranter mistrals e generals.

Margherita Dolcevit, mattetta da 9 onns sin in prà plain margrittas, di sin dumonda dal Minisguard dad esser unfrenda multipla da tschuffuns. Grùsel sco nus schain. Ins na saveva da nagut, din vischinas. Ozendi cun quella saivs tschients meters autezza, per gie mantegnair la privacy sco nus schain. La sontga sfera privata. Biene Maya, da mastergn ostessa, di ch'ella saja vegnida a mauns sin pli u main tuts ses tschientmillis sgols transatlantics. En il cocpit davant n'hajan ni pilot ni co-pilot savì da maldievers accumulids en las tualettas davos. Passagier Berlusconi: «Jau hai adina fatg mo cun da quella da minimum 18 onns ma-

ximum 19 onns ch'han vulì sezzas. Nu'è il problem?»

Generalvicar Tr da la Farma d'animals sustegnness ina glista naira per pedo-prers da lur specia, betg rara, entant ch'uestg Br dals animals è decididain encunter. Il stausch per glistas nairas è vegnì puspè ina giada dal president da la partida naira, garantì per sa profilar. Per la magistraglia i dettia deditg ina Black List. Grazia fitg. Il suprim da la fauna catolica ha ussa tramess ina giada ina brev pastoral a l'Irlanda catolica. «Jau avess era tramess a la Germania catolica, avess jau savì nua che quai è. Betg savì.» Dal rest duaja ins sa tegnair vi dal 'secretum pontificium'. Adina bun tschabergal en cas da favugns e malauras.

Il meglier staina murairi ed uraina il Miserere per pedofils en nossas ritschas e vossas. Vus dunnas dastgais era gidar, era tar vus datti cas da suspect. Han ins mo betg savì fin ussa. Ussa san ins, e va era suenter a quels sco tar umens. «Miserere, misere Miserere, misero me Pero' brindo alla vita! (Zucchero)